


Mazarin
4056

La Voix du peuple a monseigneur le duc
de Beaufort...

UNIVERSITY OF N.C. AT CHAPEL HILL



00023014373

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
4056**

m 4056

54

9056

LA VOIX
DU PEUPLE
A MONSIEUR
LE DUC
DE BEAUFORT,
PAIR DE
FRANCE.



A PARIS,
Chez FRANÇOIS NOËL, rue Saint Jacques, aux
Colomnes d'Hercules.

M. DC. XLIX.

Avec Permission.

LA VOIX
DU PEUPLE
A MONSIEUR
LE DUC
DE BEAUFORT
PAIR DE
FRANCE



PARIS,
Chez François Notté, rue Saint-Jacques, aux
Colonnades Héroïques.

M. DC. XLIX.
Chez l'Imprimeur.



LA VOIX DV PEUPLE,

A MONSEIGNEVR LE DVC

DE BEAUFORT,

PAIR DE FRANCE.



I iamaïs la valeur à paru avec esclat & avec de signalez tesmoignages, comme autre-fois celle des Hectors & des Achilles: Certes, nous deuons bien à present vanter la grandeur & la generosité de ce Prince, dont la valeur est tellement conuë, que l'on peut auoüer avec verité qu'il ne s'est iamaïs veu de Heros plus digne de porter le nom & le tiltre de vainqueur que ce grand Duc. Et comme il n'y a point d'éloge qui ne soit au dessous de ses merites, Quelles palmes & quels lauriers seront assez florissans pour couronner sa teste, luy qui va garantir la no-

stre, & la mettre à l'abry de l'enuie & de la
 rage de nos ennemis? Quel marbre ou quel
 airin sera assez fidel pour conseruer la me-
 moire à la posterité, luy que nos successeurs
 doivent reuerer comme le conseruateur de
 leurs biens & de leurs fortunes? N'auoüerez-
 vous pas avec moy, (iudicieux François)
 que vos cœurs sont remplis de rauissement
 quand il s'agit de son seruice, & lors que la
 fatale nouuelle vint icy qu'il estoit entou-
 ré d'ennemis, ne le fistes-vous pas paroistre
 en ce rencontre, & ne courustes vous pas
 plus vistes que les esclairs luy tesmoigner
 vos vœux & vos ardeurs: mais la vertu qui
 l'accompagne n'auoit gardé de l'abandon-
 ner à ces monstres d'iniquité, puis que la cau-
 se pour laquelle il combattoit estoit trop
 pleine de iustice: & ce souuerain Maistre
 des decrets qui nous l'a donné pour nous
 proteger contre la tyrannie, l'accompagne-
 ra tousiours, & le fera triompher des enne-
 mis de nostre Roy & de son Estat; C'est par
 luy que nous pouuons esperer la tranquili-
 té & le repos, aussi nous l'a-t'il desia mon-
 stré par ses actions heroïques: les viures &

les conuoys qu'il fait entrer iournellement en cette ville, en sont des preuues éuidentes; n'a-t'il pas aux champs de Mars affronté les plus grands perils que puisse franchir vn valeureux soldat? & ceux qui ont esté gagez pour commettre vn homicide en sa personne, n'ont-ils pas esté punis par sa propre main de leurs laschetez. De descrire toutes les victoires où il a signalé son courage, l'on descriroit avec plus de facilité le triomphe d'Alcide, & si vous rappelez la prise d'Arras, vous le pourrez voir encore tout couuert du sang des ennemis, qui pensoient asséurer leur vie, & rencontrer leur salut dans la fuite, enfin l'on montreroit plustost l'Iliade comprise en vne noix que toutes les belles & genereuses actions de ce Prince. Aprestât de manifestes marques de son courage, il faut donc necessairement conclurre, puis que sa valeur est immortelle, qu'il luy faut par consequent des palmes immortelles, & que nos vers & nos escrits ne sont pas assez puissans, pour vanter sa valeur, que nostre bouche n'a pas assez d'éloquence pour publier son merite, & qu'il n'y a

point d'assez durables métaux pour immortaliser sa gloire.

SONNET.

Vox populi.

Grand Prince le destin propice à ta valeur,
 Promet à tes travaux tant d'honneur & de gloire,
 Que tu remporteras la fameuse victoire,
 Qui nous doit garantir à iamais du malheur.

Tout le peuple rauy te consacre son cœur,
 Chacun veut par son sang signaler ta memoire,
 Et laisser aux nepveux apprendre dans l'Histoire,
 Que Mars n'a point connu de plus noble vainqueur.

Desia les factieux redoutans ton courage
 Parlent de Conference & donnent vn passage :
 Mais sans borner le cours de tes faits inouys.

D'un Ministre tyran va deliurer la France,
 Et ramcine bien-tost avec nostre Louys,
 Pour comble de bon-heur, la paix & l'abondance.

Ex vot. Paris.

